

**ԱՆԱՍՆԱՊԱՀԱԿԱՆ
ԿԱՆՈՆՆԵՐ
(ԶՈՈՄԻՆԻՄՈՒՄ)**

ԳՅՈՒՂՀՐԱՏ

1934


ՅԵՐԵՎԱՆ

636 (02)

22 DEC 2017

1934

ԱՆԱՍՆԱՊԱՀԱԿԱՆ
ԿԱՆՈՆՆԵՐ
(ԶՈՈՄԻՆԻՄՈՒՄ)



ԳՅՈՒՂԱՐԱՏ

1934

ՅԵՐԵՎԱՆ

ԽՈՇՈՐ ՅԵՂԱՅՈՒՐԱՎՈՐ ԱՆԱՍՈՒՆՆԵՐ

I. ՀԱՍԱԿԱՎՈՐ ԿԱՅՆԱՏՈՒ ԱՆԱՍՈՒՆՆԵՐԻ ԿԵՐԱԿՐԵԼԸ

1. Անասուններին կերակրել ըստ նորմաների, նկատի առնելով նրանց կենդանի քաշն ու արդյունավետությունը (ըստ ստացած կաթի ու քաշի $0/0$ -ի):

2. Բոլոր անասունները բաժանել խմբերի, ըստ նրանց կենդանի քաշի ու արդյունավետության, սահմանելով յուրաքանչյուր խմբի համար որակյա կերի վորոշ նորմա:

3. Կերերի փչացումներից խուսափելու համար, ամեն մի անասնագոմուս կառուցել մսուրներ:

4. Ձմեռային շրջանում անասուններին կերակրել որակյա յերեք անգամ, ճիշտ սահմանված ժամերին, որվա ամբողջ կերի նորման բաժանելով յերեք հավասար մասերի:

5. Արգելվում է անասուններին կերակրել գետնի վրա, առանց մսուրի:

6. Անասուններին ջրել որակյա յերկու անգամ կերերը բաժանելուց հետո, չսահմանափակելով ջուր խմելու համար:

Պետք է աշխատել, վորպեսզի ջուրը մաքուր լինի, իսկ ձմեռային շրջանում իր ջերմությունը հավասար լինի անասնագոմի ջերմությանը $-10-12^{\circ}\text{C}$:

Անասուններին պետք է ջրել գոմերում, հատկապես հղի մայր անասուններին, վորոնց գոմից դուրս ջրելու տանելը, մանավանդ հղիության վերջին յերկու ամսում, խստիվ արգելվում է:

7. Անասունների կերակրելն ու ջրելը կատարել տվյալ ֆերմայի համար սահմանված աշխատանքի ներքին կանոնադրության հիման վրա:

Կերակրումը կատարել կթելուց հետո:

Սահմանվում է կերակրման հետևյալ կարգը՝

Ակզբում բաժանել խտացրած—ուժեղ կերը, հետո՝ հյութալի կերը, իսկ վերջում՝ կոպիտ կերը:

Պատ. խմբագիր՝ Ս. Իսահակյան

Թարգմանիչ՝ Վ. Արսյան

Հեղ. խմբագիր՝ Ջավախեցի

Տեխն. խմբագիր՝ Պ. Սարոյան

Մրբագրիչ՝ Խ. Այվազյան

Հանձնվել է արտադրության 1934 թ. փետրվ. 17-ին.

Ստորագրվել է ապագրելու 1934 թ. փետրվ. 27-ին.

Գլավլիտ № 120 Տիրած 2500 Գառվեր № 123

ՅԵՐԵՎԱՆ, ԳՅՈՒՂՀՐԱՍԻ ՏՊԱՐԱՆ, ՆԱԼԲԱՆԴՅԱՆ 50

11-2736491

Ամեն մի տեսակ կերի բաժանումը կատարվում է առաջինի լրիվ ուտելուց հետո, այսինքն՝ յերբ խտացրած կերը լրիվ կերած կլինեն, բաժանել հյութալի կերը, հյութալի կերերը լրիվ ուտելուց հետո՝ բաժանել կոպիտ կերը:

Ամեն անգամ ուտելուց հետո անհրաժեշտ է մսուրը մաքրել կոպիտ կերի մնացորդներից:

8. Արմատապտուղներով կերակրման ժամանակ (կարտոֆիլ, գետնախնձոր, ստեպլին, ճակնդեղ) անհրաժեշտ է նախորոք մաքրել, լվանալ ու մանրացնել այն:

9. Անասուններին կերակրել լավորակ կերերով:

Անվորակ կերերը հիվանդություններ են առաջացնում և հաճախ անասունների կոտորածի պատճառ դառնում:

Նորը պետք է մանրացնել ցողուն մանրացնող մեքենայով (саломерезка) ու նոր տալ անասուններին:

10. Կաթնատու կովերից յուրաքանչյուր գլխին պետք է ապահովել որական 10-ից—20 կոլո սիլոսով և 10—20 կիլո արմատապտուղներով, միաժամանակ նկատի առնելով անասունի կենդանի քաշն ու արդյունավետությունը:

11. խտացրած կերերն անպայման պետք է տալ աղացած կամ մանրացրած զրուխյամբ:

12. Կովերին հղիության շրջանում պետք է առատ կեր տալ, փորպնդի բարձրանա նրանց քաշն ու փորակը, իսկ դրա շնորհիվ, ծնելուց հետո կրարձրանա և նրանց կաթնատվությունը:

Հղի կովի որսբաժինը պետք է ավելացնել կերի սովորական նորմայից կերերի մեկ միավորով:

13. Նոր ծնած կովերին պետք է կթել ծնելուց 10—15 օր հետո, ավելացնելով կերը մինչ այդ ստացած կերաբաժնի 25—30 տոկոսով:

14. Մարային կերակրելուց արոտային կերակրման անցնելը պետք է կատարել աստիճանաբար, 7—10 օրվա ընթացքում, հետզհետե վարժեցնելով թարմ կանաչ խոտի: Նույնը պետք է կատարել արոտային կերակրման շրջանից մարային կերակրման անցնելիս:

15. Յերեքնուկի և առվույտի արոտավայրերում արածեցնելու ժամանակ հատուկ ուշադրություն պետք է դարձնել, փորպնդի փորոտուցը առաջ չգա և նախ քան արածեցնելը կերակրել կոպիտ կերերով: Այդպիսի արոտավայրերում խուսափել առաջնայան ցողի ժամանակ և անձրևներից հետո արածեցնելուց:

II. ԽՈՇՈՐ ՅԵՂՋՅՈՒՐԱՎՈՐ ԱՆԱՍՈՒՆՆԵՐԻ ԽՆԱՄԲԸ

1. Անասուններին մաքուր պահել: Ամեն օր կթելուց հետո պետք է խողանակով կամ ծղնոտով մաքրել:

2. Անասունները պետք է կանգնած լինեն չոր ցամաքի վրա, փորն ամեն օր պետք է փոխել թրջվելուց հետո: Ծննդաբերության և հորթերի բաժիններում ցամաքը պետք է փոխել որական 2—3 անգամ: խոշոր անասունի տակը պետք է փոխել որական միջին թվով 3 կիլո, մինչև 1½ տարեկան մառաղաշի տակը—1½ կիլո:

3. Անասունների սղքը պետք է մաքրել որական յերկու անգամ և դուրս տանել գոմից:

Արգելվում է սղքը գոմում կուտակված պահել:

4. Յուրաքանչյուր 10-օրը մեկ անգամ պետք է գոմը հիմնովին մաքրել:

5. Գոմերը պետք է միշտ չոր պահել, ուստի ջրելու ժամանակ չպետք է հատակին ջուր թափել կամ շաղ տալ:

Գոմում յերկու ջրի տակառների բերանը միշտ պետք է ձածկած պահել:

6. Ձմեռը, բացի հատուկ ցուրտ օրերից, պետք է անասուններին որական 2—3 ժամ դուրս հանել զրոսանքի:

7. Կենդանի քաշը տարեկան վորոշվում է 2 անգամից վոչ պակաս:

ա) գարնանը՝ արոտավայր ուղարկելուց 10 օր առաջ և

բ) աշնանը՝ մսուրային կերակրման անցնելուց 10 օր առաջ:

8. Արոտավայր ուղարկելու նախորեյին պետք է անասունների սմբակները մաքրել ու կտրել:

9. Հղիության յերկրորդ շրջանում գտնված կովերին ամառային արոտավայրերում յերկու ժամանակ պետք է մյուս կովերից առանձնացնել, նրանցից առանձին խումբ կազմել ու սահմանել հատուկ հսկողություն:

10. Մինչև արոտային շրջանը պետք է անասնապահներին ծանոթացնել վարակիչ և այլ հիվանդությունների ու նրանց կանխման միջոցառումների հետ:

11. Արոտավայրերում արածեցնելու ժամանակ ապահովել լավորակ մաքուր ջրով: Ջրելու այդ վայրը արոտից 2—3 կիլոմետրից ավելի հեռու չպետք է լինի:

III. ԱՆԱՍՈՒՆՆԵՐԻ ԲՈՒԾՈՒՄԸ

1. Հոտում յեղած իր արդյունավետությամբ ու առողջությամբ աչքի ընկնող լավ կովերից ստացած, լրիվ զարգացած ու ցեղական հատկութիւններով ոժտված արտադրողներին պահել տոհմական նպատակներ ի համար՝ իսկ մյուս ցուլիկներին թողնել մսացույի համար:

2. Մատղաշ արտադրողներին զուգավորման թողնել $1\frac{1}{2}$ —2 տարեկան հասակից վոչ շուտ:

3. $1\frac{1}{2}$ -ից—2 տարեկան արտադրողի զուգավորման բեռնվածութիւնը ամսական 5—6 կովից ավել չպետք է լինի:

Այդ հասակից բարձր արտադրողի նորման կարող է լինել մինչև 60 կով, իսկ ազատ զուգավորման ժամանակ՝ մինչև 30 կով:

Կոլտնտեսական-ապրանքային ֆերմաներում անապայման պետք է ձեռնաքաշ զուգավորում կատարել:

4. Յերկու տարեկան հասակից բարձր արտադրողներին լրիվ ոգտագործելուց հետո վեցորյակում մեկ որ պետք է հանգիստ տալ:

5. Նույն արտադրողով մեկ որում չպետք է յերկու անասուն ծածկել: Այդ կարելի չէ անել միայն այն դեպքում, յերբ մի որ առաջ տվյալ արտադրողը զուգավորում չի կատարել:

6. Զուգավորման ժամանակ նույն կովին 2 անգամ չպետք է ծածկել:

7. Արտադրողներին զարնանը ամռանն ու աշնանը պետք է պահել թարմ ոգում—գուրսը: Գոմում պահել միայն վատ լեղանակներին:

2 մեռը արտադրողներին դուրս հանել զբոսանքի որական 2-ից 3 ժամ, բացի վատ որերից:

8. Յերինջներին զուգավորման թողնել 2 տարեկան հասակից վոչ վաղ:

9. Կովերին զուգավորման թողնել (ծածկել) ծնելուց 40-ից 50 որ հետո:

10. Կովը ծնելուց $1\frac{1}{2}$ —2 ամիս առաջ պետք է դադարեցնել կթելը:

11. Տոհմական անասուններ ունեցող տնտեսութիւնները պետք է տոհմական անասուններին ծածկեն միայն պլանայնորեն ազնվացնող ցեղի արտադրողներով:

12. Անասնապահական տարանջային ֆերմաները պետք է միութենական ՀԺԿ-ի կողմից հաստատված ձևով դրանցում կատարեն:

ա) արդյունավետության հաշվառում:

բ) զուգավորումների ու ծննդաբերության հաշվառում:

գ) անասունների քաշի հաշվառում:

դ) հասակավոր անասունների կերակրման հաշվառում:

ե) մատղաշների կերակրման և աճի հաշվառում:

13. Հաշվառման համար անհրաժեշտ է անասուններին ճիշտ համարակալել:

14. Արտադրողների խնամքի գործը հանձնարարել վորձված կոլտնտեսականների, վորոնք լավ ծանոթ են զուգավորման տեխնիկային:

15. Արտադրողներին ամեն որ պետք է մաքրել ու ապահովել լավորակ ցամքարով:

16. Արտադրողները պետք է լինեն միջին դրության:

2-ի թույլատրվում արտադրողներին պահել ճարպակալած կամ լղարած դրության մեջ:

IV. ՄԱՏՆԱՇՆԵՐԻ ԽՆԱՄԲԸ

1. Կաթնատու կովերն իրենց հղիության շրջանում պետք է կերակրվեն լավ վորակի կոշտ կերով: Հղի կովերին չի կարելի տալ վատ վորակի սիլոս ու սսռած արմատապտուղներ: Հորթի զարգացման համար հղի կովի որական կերաբաժինը հղիության 7-րդ ամսից պետք է ավելացնել 400 գրամ խտացրած կերով և 1200 գրամ մարգագետնային խոտով:

Կովի ծննդաբերության վերջին 2 ամսում բոլորովին դադարեցնել սիլոս տալը:

2. Հղի կովերին պետք է ամեն որ դուրս բերել զբոսանքի:

3. Ծնելուց մի քանի որ առաջ հղի անասուններին պետք է անջատել ընդհանուր գոմում կապած անասուններից և առանձնացնել ծննդաբերության հատուկ շենքում:

Ծննդաբերության ժամանակաշրջանում պետք է հերթապահութիւնը նշանակել ամբողջ 24 ժամվա ընթացքում:

4. Ծնված հորթին մաքրում ու չորացնում են, վորից հետո տեղավորում են հորթանոցում, առանձին վանդակի մեջ: Առաջին 10 որը կերակրում են մոր կաթով:

5. Այն դեպքում, յերբ հորթերը մորից կտրում են, առաջին 15—20 օրը հորթերին պետք է կերակրել անքաշ կաթով, վորից հետո հետգհետե կարելի յի անցնել յերեսը քաշած կաթով կերակրելուն:

6. Տոհմական անասունների մատղաշները կերակրվում են նրանց համար սահմանված հատուկ նորմաներով:

7. Հորթերին կերակրել անքաշ ու քաշած թարմ, մաքուր ու միանգամայն առողջ կովերից ստացած կաթով:

8. Թոքախտ ու այլ տեսակի հիվանդություններ ունեցող կովերից ստացված և մի ամսնում խառնած կաթով հորթերին կերակրելիս, առաջ պետք է այդ կաթը 5—10 րոպե յեռացնել մինչև 80°C, ապա միայն տալ հորթին:

9. Քսան որական հասակից հորթերին կարելի յի կերակրել խտացրած կերով, վորոշ խառնուրդի հետ, որինակ՝ մեկական բաժին թեփ, դարի կամ վարսակ և յեղիպտացորեն (կուկուռուզ): Խտացած կերը պետք է տալ ազալած ու չորացրած դրությամբ:

10. Քսան որական հասակից հորթերին կարելի յի կերակրել թիթեռնածաղկային խոտաբույսերով, վորոնք համարվում են ամենալավ տեսակի խոտեր:

11. Հյուսիսի կերերով կարելի յի կերակրել 6 ամսական հասակից:

12. Մատղաշներին հետգհետե պետք է սովորեցնել արուտի, առանձնացնելով նրանց համար ամենալավ արտատեղերը:

Հորթերին ցածր ու ճահճոտ վայրերում չպետք է արածեցնել:

13. Հորթերի որվա կերաբաժինն պետք է ավելացնել կերակրի ադ, խտացրած կերի 1 $\frac{1}{2}$ —5 $\frac{1}{6}$ -ի չափով, կոշտ դրությամբ միշտ պահելով մսուրի մեջ:

Թիթեռնածաղկային խոտեր չլինելու դեպքում պետք է խտացրած կերին ավելացնել կավիճ ու վոսկրալյուր կերակրի ադի չափ:

14. Հորթերին պետք է ջրել մաքուր և զոմի ջերմություն ունեցող ջրով:

15. Անհրաժեշտ է հորթերին ամեն օր դուրս բերել զբոսանքի:

16. Հորթանոցն ու մսուրը պետք է ամեն օր մաքրել:

17. Կերակրելուց հետո հորթերի դուռնը մաքրել:

18. Մնած հորթերին անմիջապես համարակարել:

19. Հինգ ամսական հասակից արու հորթերին առանձնացնել եզ հորթերից:

20. Այն ամսները, վորից կերակրվում է հորթը, պետք է մաքուր լինի:

21. Հորթերն ամրացվում են հատուկ խնամող անձնավորության:

Ամսները լվանալու համար կերի բաժնում պետք է պահել յեռացրած ջրով լիքը կաթիս:

22. Հորթանոցը պետք է լինի մաքուր, չոր, լուսավոր, իսկ ձմեռվա ջերմաստիճանը 12-ից վոչ պակաս:

V. ԼԱՎՈՐԱԿ ԿԱՔ ՍՏԱՆԱԼԸ

1. Անասուններին պետք է պահել չոր, մաքուր, լուսավոր ու լավ ողափոխվող գոմերում:

2. Գոմում պետք է լինի լվացարան, ձեռքը և կովերի կուրծքը մաքրելու սրբիչներ, ոճառ և կթի նստելու փոքրիկ աթոռ:

3. Կով կթողները պետք է լինեն առողջ: Աշխատանքի ընդունման ժամանակ ու այնուհետև տարեկան յերկու անգամ նրանք պետք է յենթարկվեն բժշկական քննություն:

4. Կով կթողների արտահաղուստները (գոգնոց և այլն) պետք է մաքուր լինի:

5. Յուրաքանչյուր կով կթելուց առաջ և հետո, կով կթողը պետք է մաքուր լվանա ձեռքերն ու չորացնի սրբիչով:

6. Կով կթողները յեղունկները պետք է կտրեն, վորովհետև յեղունկների մեջ կեղտ է լինում, վորը կթելու ժամանակ կարող է վտանգել կուրծն ու պտուկները, առաջացնելով բորբոքում և այլ հիվանդություններ:

7. Կթելուց հետո կովի պտուկներն ու կուրծքը պետք է սրբիչով մաքուր չորացնել:

8. Կիթը կատարել վոչ թե մատներով, այլ բոռնցքով կուրծքը մաքուր կթել:

9. Կթել միշտ միևնույն ժամին, կթելու ընդմիջումները պետք է հալասար լինեն:

10. Կով կթողները պետք է կովերի հետ քնքուշ վարվեն. կոպիտ կով կթողները փչացնում են կովերին:

11. Կով կթողներին չպետք է փոփոխել, ամեն մի փոփոխումից պակասում է կաթի չափը:

12. Կթելու ժամանակ գոմերում վոչ մի աշխատանք չպետք է կատարել:

13. Հատուկ ուղադրութիւն պետք է դարձնել մաքուր կթելու վրա:

Մաքուր կթելն ավելացնում է կաթի քանակը:

Կաթի վերջին բաժինն ավելի յուղոտ է:

14. Կաթը պատահական խառնուրդներից պետք է զտել:

Զտումը կատարվում է ֆիլտրի կամ բարակ կտորի (սպիտակ մարլայի) միջոցով: Գունավոր (ներկված) կտորով զտելն արգելվում է:

15. Կթելուց հետո կաթն անմիջապես պետք է դուրս տանել գոմից:

16. Զտած կաթն անմիջապես սառեցնելու նպատակով, անցկացնել սառեցնող մեքենայի միջով:

17. Հատուկ ուղադրութիւն դարձնել կաթնամանների լվանալու վրա: Լվանալուց հետո յեռացնել և խողանակով մաքրել, վերից հետո վողոզել մաքուր ջրով: Լվացած ամանների բերանները չպետք է ծածկել, վորովհետև ամանները ժանգոտում են ու վատ հոտ է գալիս նրանցից:

ՄԱՆՐ ՅԵՂՋՅՈՒՐԱՎՈՐ ԱՆԱՍՈՒՆՆԵՐ

ՎՈՅՆԱՐԱՐՈՒԾՈՒԹՅՈՒՆ

I. ԸՆԴՀԱՆՈՒՐ ՄԱՍ

1. Տնտեսութեան բոլոր վոչխարները բաժանվում են հոտերի ըստ իրենց ցեղի, հասակի ու սեռի: Յուրաքանչյուր հոտին սպասարկում է հովիվների մի վորոշ խումբ, վորն ամբացվում է տվյալ հոտին մի տարով անընդհատ, ընդվորում սեզոնային աշխատանքի ժամանակ այդ հովիվների թիվն ավելացվում է համաժապատասխան չափով:

2. Հղի մայր վոչխարների հոտին պետք է ամբացնել փորձված հովիվներին:

3. Վոչխարներին չպետք է արածեցնել խոնավ, ճահճոտ արոտավայրերում՝ հիվանդութիւններից խուսափելու համար:

4. Վոչխարներին արոտ պետք է քշել արածելու առավոտյան շաղը վերանալուց հետո:

Վոչխարներն արածեցնելու ժամանակ պետք է հետևել, վորպեսզի հոտը շարժվի դանդաղ և լայնարձակ ճակատով, վորպեսզի վոչխարները հավասարապես արածեն:

Պետք է ջրել միայն ջրհորների ու հոսող ջրերով: Ծահիճները ջրով ջրելն արգելվում է:

Պետք է հետևել, վորպեսզի հիվանդ ու առողջ վոչխարները նույն տեղից չջրվեն:

Ինչպես ամառային, այնպես էլ ձմեռային արոտներում պետք է սահմանել հերթականութիւն՝ սկզբում արածեցնել բազայից հետո գտնվող տարածութիւնները, ապա հետզհետե մոտենալ վոչխարանոցների մոտ գտնվող արոտավայրերին:

II. ԶՈՒԳԱՎՈՐՄԱՆ ԿԱՄՊԱՆԻԱՆ

1. Զուգավորման համար նախատեսված մայր վոչխարները հոտը նախորդ պետք է բաժանել ըստ ցեղի, առողջութեան և գիրութեան:

2. Զուգավորման համար կազմված այդ հոտերում, ինչպես խրոնիկական ու վարակիչ հիվանդությունների ունեցող (քոս, ծաղիկ, սիպտիկոզ, կադիկ), այնպես էլ հասակավոր ու ձմեռը պահելու համար անպետք մայր վոչխարներ չպետք և լինել:

3. Նիհարած ու հյուծված մայր վոչխարներին պետք և առանձնացնել առանձին հոտում՝ լավ կերակրելու նպատակով:

4. Զուգավորումն անցկացնելու համար մայր վոչխարներին հոտերն ամրացնել հատուկ բաղաների:

5. Զուգավորման համար նախատեսված շենքերը պետք և նախորոք մաքրել ու ախտահանել:

6. Արտադրող վոչխարը (ղոչը) պետք և բավարարի այն ցեղի պահանջներին, վորը ճանաչված և վորպես ազնվացնող ցեղ:

7. Կոշտ բուրդ ունեցող մայր վոչխարներն ու արտադրողները պետք և զուգավորման թողնել $1\frac{1}{2}$ տարեկան հասակից վոչ վաղ:

8. Մերինոսի ազնվացեղ մայրերը պետք և զուգավորման թողնել 2— $2\frac{1}{2}$ տարեկան հասակում:

9. Զուգավորումը պետք և տևի 40-որից վոչ ավել:

10. Զուգավորման ամբողջ շրջանում, ձեռնաքաշ զուգավորման ժամանակ, մեկ չափահաս արտադրողի բեռնավորման նորման պետք և հասնի 50—60 մայր վոչխարի, իսկ մատղաշ $1—1\frac{1}{2}$ տարեկան արտադրողի նորման՝ 25 մայր վոչխարի:

11. Զուգավորումից $1\frac{1}{2}$ —2 ժամ առաջ՝ արտադրողներին չպետք և ջրել ու կերակրել կոշտ կերով, զուգավորումից հետո պետք և արտադրողին հանգիստ տալ:

III. ՎՈՉԽԱՐՆԵՐԻ ԶՄԵՌԱՅԻՆ ԽՆԱՄՔԸ

1. Զմեռային շրջանում անհրաժեշտ և բոլոր վոչխարներին ապահովել ծածկած շենքերով հետևյալ հաշվառումով՝

ա) ազնվացեղ վոչխարների 1 գլխի համար 1,2 ք. մ.

բ) ոգտազործելիք (տեղական) » » 0,8 » »

2. Վոչխարանոցներն ապահովել անհրաժեշտ ինվենարով, մուրներով, տաշտակներով և այլն:

Յուրաքանչյուր 25 վոչխարի համար պետք և ունենալ մեկ հատ մուր և մեկ հատ տաշտակ:

3. Զմեռային արտադրողներում յեղած ջրհորներն ու ջրամբարները մաքրել:

4. Զմեռային արտադրողներում պետք և կոշտ խոտի պաշար ունենալ, պատահական որերին ու արտադրողներում խոտ չեղած դեպքում վոչխարներին կերակրելու համար:

5. Այն դեպքում, յերբ մայր վոչխարը չի թողնում դառին ծծելու, պետք և վորոշ ժամանակով յերկուսին պահել մի վանդակում: Նույնը պետք և անել, յերբ վոչխարին տալիս են ոտար դառ:

6. Այն դեպքում, յերբ վոչխարը զույգ և ծնել և չի կարողանում յերկուսին լրիվ կերակրել կաթի քչության պատճառով, պետք և դառներից մեկին անջատել, տալով այնպիսի մոր, վորն առատ կաթ ունի, կամ կորցրել և իր գառին:

7. Առանց շենքն ախտահանելու վոչխարներին չի կարելի տեղավորել այնտեղ:

8. Մերինոս արու դառների (վորոնք ցեղի ազնվացման աշխատանքի համար անպետք են) ամորձատումը և պոչերի կտրելը պետք և կատարել յերկու շաբաթական հասակում, պահպանելով բոլոր անասնաբուժական ու առողջապահական կանոնները:

9. Վոչ մի դեպքում չի թույլատրվում արտադրողներին (ղոչերին) պահել մայր վոչխարների հետ:

IV. ՎՈՉԽԱՐՆԵՐԻ ԾՆԵԼՈՒ ԿԱՄՈՒՆԻԱՆ

1. Վոչխարների ծնելուց առաջ պետք և բավարար չափով տախտակյա ճաղեր պատրաստել—վանդակների համար:

2. Արտադրողներում ծնած մայր վոչխարներին ու դառներին փոխադրելու համար դործիքներ պատրաստել (նասիլկա):

3. Զրելու վայրը ջուր տեղավորելու համար տակառներ պատրաստել:

4. Վոչխարների ծինն սկսելուց 10-որ առաջ մաքրել ու ախտահանել վոչխարանոցներն ու վոչխարաբուծական վոչ ինվենարներ:

5. Վոչխարներին ծնելուց մեկ ամիս առաջ վերանայել բոլոր մայր վոչխարներին, թույլերին առանձնացնել և կազմելով հատուկ խումբ, ուժեղ կերակրել այդպիսիներին:

6. Վիժամներից խուսափելու համար, վոչ մի դեպքում մայր վոչխարներին չպետք և տալ բորբոսնած ու սառած կեր:

7. Կերակրելու և ջրելու ժամանակ պետք և հետևել, վորպեսզի վոչխարները միմյանց չսեղմեն, չհրեն, այլ ուտեն հավասարաչափ:

8. Գիշերներն ամեն մի հոտի մոտ պետք է հերթապահ նշանակել ծննդաբերության գործին ծանոթ, փորձված հովիվներից՝ ոգնություն ցույց տալու համար՝ ինչպես ծնվող մայր վոչխարին, այնպես էլ դստին:

9. Հղիության 2-րդ շրջանում արդելվում է յերկար ճանապարհ տանելը:

10. Կանոնավոր ծննդաբերության ժամանակ ոգնության կարիք չկա. ոգնություն պետք է ցույց տալ անկանոն ծննդաբերության ժամանակ միայն:

11. Ծննդաբերությանից հետո սրբանքսը (այն թաղանթը, վորի մեջն է լինում դառը մոր արգանդում) վոչխարի տակի փրովածքի հետ միասին հետաքննելով գոմից, պետք է թաղել կամ այրել:

12. Նորածին գառների պորտին պետք է կրեոլին կամ վորեկե այլ ախտահանման դեղ քսել:

13. Ամսուային կերի անցնելիս, ծնած վոչխարներին պետք է հատկացնել վոչխարանոցին մոտիկ ամենալավ արոտները:

V. ԽՈՒՁԵԼԸ

1. Վոչխարներին խուղելու համար պետք է հատկացնել չոր, մաքուր և լուսավոր շենք:

2. Վոչ մի դեպքում չի թույլատրվում վոչխարներին խուղել դեանի վրա: Պետք է խուղել բրեզենտի կամ բարակ տախտակների վրա:

3. Վոչխարին խուղել բրդի չոր ժամանակ:

4. Վոչխարը պետք է խուղել միայն սոված ժամանակ:

5. Խուղելուց հետո պետք է նշաղիթ նայել և, յեթե կտրված տեղեր կան, վերքերին պետք է ախտահանիչ վորեկե դեղ քսել:

6. Խուղելն ու բրդի դասավորումը պետք է կատարել ըստ վոչխարի ցեղի, գույնի և տեսակի:

7. Դասավորված բուրդը պետք է պահել չոր տեղում:

ԽՈՋԱԲՈՒԾՈՒԹՅՈՒՆ

I. ԽՈՋԵՐԻՆ ՃԻՇՏ ԿԵՐԱԿՐԵԼ

1. Խոզերին կերակրել վորոշված նորմայի համապատասխան:

2. Կերակրման համար հիմք ընդունել կուտնտեսությունում յեղած կերի միջոցները:

3. Բոլոր հացահատիկային կերերը մանրացնել, չափահաս խոզերի համար խոտը մանր կտրել, իսկ մինչև 4 ամսական խոզկորներին համար դարձնել ալյուր: Կոպիտ տեսակի կերերը և դարմանը տաք ջրով խաշել ու հետը խառնելով վորեկե խտացրած կեր, լավացնել վորակը:

Կարտոֆիլը կերերի ռացիոնում շատ յեղած դեպքում պետք է խաշել, քիչ յեղած դեպքում կարելի յե հում տալ: Ծլած կարտոֆիլն անպայման պետք է յեփել, ճակնդեղը, ատեղդինը և այլ տեսակի արմատապտուղները պետք է մանրած տալ:

4. Տրվելիք կերերը պատրաստել կերակրելուց 1—2 ժամ առաջ:

5. Խոզերին՝ մսուրային կերակրման շրջանում պետք է վայտի ածուխ տալ:

6. Կերերի ռացիոնում անպայման ավելացնել վոսկրալյուր, կավիճ կամ հանդած կիր և կերակրի աղ:

7. Կերակրել միայն մսուրներում, վորից հետո անպայման մսուրները լվանալ:

II. ՇԵՏԵՎԵԼ ԼԱՎ ԽՈՋԵՐԻՆ ՋՈԿԵԼ-ԱՌԱՆՁՆԱՑՆԵԼ

1. Բոլոր խոզերին համադրակալել:

2. Հաշվառման յենթարկել՝

ա) արդյունավետությունը.

բ) կաթնատվությունը.

գ) խոզկորների քանակն ու քաշը մայրերից կտրելու ժամանակ.

դ) Վաղահասությունը (խոզկորների քանակն ու քաշն 6 ամսական հասակում).

3. Ստացած տվյալների համաձայն յերթարկել ըստան (60-нитировка):

4. Տոնադրական տնտեսողները ներմուծելիս, նույնպես և մյուս տնտեսություններից վերցնելիս (գնելիս), ընտրել այնպիսիները վորոնց արդյունավետությունը հայտնի չե ծնողների գծով:

III. ՉՈՐ ՅԵՎ ԱՌՈՂՋ ԽՈՋԱՆՈՑ

1. Խողերին ապահովել չոր խողանոցներով, վորի համար պետք է՝ խողանոց կոսուցելու համար ընտրել մի փոքր բարձրագույն ու ջրաթափանց տեղ:

2. Խողանոցները ձմեռը տաքացնել: Պատահաններն ու դռներն ամուր փակել:

3. Խողանոցներն սպիտակացնել գարնանը, ամառն ու աշնանը: Ձմեռն սպիտակացնել ծայրահեղ դեպքում, այն ել յեթե կպահանջվի անասնաբուժական պերսոնալի կողմից:

4. Խողանոցները մաքրել մեքենայացրած չոր ձեւով: Վորպետի չոփանդակի խոնավությունը տարածմանը, արգելիլ խողանոցներում մսուրների ու իրերի լվանալը: Բոլոր խողերին, բացի հղիություն 2-րդ շրջանում յեղած մայր խողերից, կերակրել հատուկ շենքում:

5. Խողանոցներում պահպանել համաչափ ջերմություն:

6. Հղի մայրերի ծննդաբերության շենքում ունենալ վառարան:

7. Շատ խոնավ խողանոցներում պահել արկղներով չհանգած կիթ:

IV. ԿԱԶՄԱԿԵՐՊԵԼ ԽՈՋԵՐԻ ԿԱՆՈՆԱՎՈՐ ԽՆԱՄԲ

1. Տեղական խողերին կարելի չե զուգավորման թողնել վոչ շուտ քան մեկ տարեկան հասակից, իսկ մեծիսներին վոչ շուտ 9—10 ամսականից:

2. Արդյունաբերական տնտեսություններում ձաղերին ծիծ տվող խողերին կարելի չե զուգավորման թողնել վոչ շուտ 8—9 ամսական հասակից (յեթե հյուծված չի):

3. Յերիտասարդ մայրերին, վորոնց առաջին ծնունդն է, ձաղերին ծիծ տալու ժամանակաշրջանում զուգավորման չթողնել:

4. Մայրերին կերակրել որական 2 անգամ, իսկ ջրել 3 անգամ:

5. Որպես ընթացքում 2 ժամից վաղ պակաս զբոսանքի հանել:

6. Մայր խողերի հղիության 2-րդ շրջանում ապահովել լավ փորակ ցամքարով, որական մեկ կիլոյի չափով:

7. Ծնելուց յերկու յերեք որ առաջ կերերի կերաբաժինը պակասցնել 70% չափով:

8. Ծնելուց 10 որ առաջ հղի մայրերին՝ ձմեռը լավ մաքրել իսկ ամառը լողացնել:

9. Հղի մայրերի ծննդաբերությունը կատարել անհատական ձեւով, հատուկ դադգյահներում:

10. Աղատվելուց առաջ դադգյահները (սառնոկները) հիմնովին մաքրել, ախտահանել, փռել մանրացրած թարմ ցամքար, վորը փոխել ամեն որ:

11. Նորածին մայր խողի խողանոցի ջերմությունը պետք է լինի 8—10°C, իսկ մյուս խողերի համար 6—7°C:

12. Աղատվելուց առաջ—յեթե մայր խողը թուլատրում է—պետք է հետեի մասն ու կուրծքը լվանալ և ախտահանել: Ծնած խոճկորի դուռնն ու բերանը մաքրել լուրձուկից, շորով սրբել, պորտը կտրել և ախտահանել:

13. Ծննդաբերությունը վերջանալուց հետո դադգյահը մաքրել, ցամքարը փոխել և յեթե մայրը կեղտոտվել է իրեն արյունից—լավ մաքրել, ապա նոր խոճկորներին թողնել ծծելու:

14. Ծծմայր խողի տակ թողնել ծծելու այնքան խոճկորներ, վորքան զարգացած պտուկներ ունի մայր խողը: Ավելացած խոճկորներին թողնել ուրիշ մայր խողերի տակ, կամ կերակրել առողջ կովից ստացած մաքուր, թարմ, անքաջ կաթով:

15. Ծննդաբերության խողանոցներն ապահովել անընդհատ հերթապահությամբ, իսկ ծննդաբերության ժամանակ հերթապահը պետք է անընդհատ լինի օգատվող մայր խողերի մոտ:

16. Մայր խողերի աղատվելու առաջին 3—5 օրերը և աղատվելուց հետո պետք է կերակրել ջրիկ կերերով և հետեւի ստամոքսի կանոնավորությունը կրիվ կերաբաժնի տալը կատարել հետզհետե: Որական կերակրել 3 անգամ:

17. Մայրերին 5-րդ, իսկ խոճկորներին 10-րդ օրից վոչ ուշ պետք է հանել զբոսանքի, զբոսանքի ժամերը հարմարեցնելով յեղանակի և խոճկորների աղողության հետ:

18. Տասնհինգ օրական հասակից կարելի չե խոճկորներին գեր-կերակրման կապել: Խոճկորներին հատուկ դադգյահներում կարելի չե թեթև կերակրել: Բոված հրահատիկով 20 օրական

չասակից խոնկորներին պարբերաբար սկսել կերակրել հացահատիկային խառնուրդներով: Կերակրման մոմենտից խոնկորներին ապահովել մաքուր ջրով 10—15°C ջերմությամբ:

19. Մատղաշներին մայրերից կտրելուց հետո կերակրել ռացիոնով որակյան 3 անգամ:

V. ՄԱՏՂԱՇՆԵՐ

1. Արդյունաբերական տնտեսություններում մայրերից կրտսած մատղաշներին բաժանել խմբերի ըստ նրանց կենդանի քաշի և հետևել, վորպեսզի քաշով փոքրերը զարգանալու (աճելու) դեպքում տեղափոխվեն իրենց քաշին համապատասխան բարձր խումբը:

2. Տոնավան տնտեսություններում արու խոնկորներն առանձնացնել եզերից 4-րդ ամսում և յենթարկել առաջին խտանման:

3. Չորրորդ ամսից հետո կերակրել որակյան 3 անգամ:

VI. ԱՐՏԱԴՐՈՂՆԵՐԸ

1. Կուլտուրական ցեղի արտադրողներին բեղմնավորման թողնել 10—12 ամսական հասակում, իսկ տեղական գործադրվելիք ցեղեր արտադրողներին՝ 15—18 ամսական հասակում:

2. Չուգավորումն անցկացնել ձեռնաքաշ, առավոտյան կամ յերեկոյան պահին, կերակրելուց մի ժամ հետո:

3. Բաց բակերում պահվող արուներին որակյան 1 ժամ պարտադիր կերպով հանել զբոսանքի:

4. Արտադրողների ժանիքները կտրել, հետևել նրանց սրմբակներին—մաքրել ու կտրել:

5. Արտադրողի միջին բեռնվածությունը՝

1-ին տարում 15—20 հոտի ծածկում

2-րդ » 30—40 » »

3-րդ » 40—50 » »

6. Արտադրողներին որակյան կերակրել 3 անգամ և ջրել մաքուր ջրով ազատ վիճակում:

7. Արտադրողներին պահել առանձին դադգյահներում:

8. Չուգավորման հանել որակյան մեկ անգամից վոչ ուվել:

VII. ԽՈՋԵՐԻ ԱՄԱՌԱՅԻՆ ԽՆԱՄՔԸ

1. Ամառը բոլոր խոզերին, բացի ծծմայր խոզերից իրենց խոնկորներով, հղիություն 2-րդ շրջանում գտնվածներին, պետք է պահել արոտավայրերի մոտ գտնված բազաներում:

2. Բազաները պետք է ապահովված լինեն հատուկ շենքերով խոզերին պաշտպանելու համար արևից ու ցրտից:

3. Մառախյան շրջանից ամառվա արոտավայրերին անցնելը պետք է կատարվի աստիճանաբար:

4. Խոզերին նախ քան արոտավայրերն ուղարկելը, պետք է քննվեն այդ արոտավայրերն անասնաբուժական անձնակազմի կողմից:

5. Թարմ արոտավայրերում առաջին հերթին արածելու բաց թողնել 4 ամսական խոնկորներին, վորդերով վարակվելուց խուսափելու համար:

6. Արոտատեղերը թույլատրվում է ոգտադործել մեկ տարի, հետևյալ տարին տվյալ տարածությունը տալ մեկ տարի հանգիստ:

7. Նախքան առավոտյան կերակրելը, բոլոր խոզերին 1—2 ժամով պետք է ուղարկել արածելու, վորից հետո 1—2 ժամ հանգիստ տալ և ապա միայն կերակրել:

8. Խոզերը յերկրորդ անգամ արածելու յեն ուղարկվում յերեկոյան կերակրելուց առաջ, պահպանելով նույն կանոնները:

9. Արոտավայրերը փչացումից զերծ պահելու նպատակով, խոզերին արձրևից հետո չուղարկել արածելու:

10. Խոզերին արև-տաք ժամանակին փոխադրելուց խուսափել, այդ պետք է կատարել առավոտյան լուսաբացին կամ յերեկոյան հովին:

11. Խոզերի արոտատեղերում մյուս տեսակի տնտեսուներ չպետք է արածեցնել:


VIII. ԽՈՋԵՐԻՆ ԽՄՐՈՎԻՆ ՊԱՇԵԼԸ

1. Թույլատրվում է խմբովին պահել բոլոր խոզերին, բացառությամբ ծծմայր խոզերից ու հղիության 2-րդ կիսում յեղած մայր խոզերից:

2. Ձմեռը 10 հղի ու վոչ հղի խոզերից կտրելի յե մի խումբ կազմել:

3. Ձմեռային խնամքի ժամանակ կարելի չէ մայրերից նոր
կտրված 10—15 խոճկորներից մի խումբ կազմել, իսկ գեր-կե-
րակրման հատկացված մատղաշներից, 10-ից մի խումբ:

4. Խմբերը կազմել ըստ հասակի, քաշի, դիրքության ու
տեմպերամենտի:



4172 30 407.

11

27368



Правила животноводства (ЗООМИНИМУМ)

Сельхозгиз

1934

Эривань